

Johann Bacmeister

**Programma Quo Rector Academiae Rostochiensis Joannes Bacmeisterus, Med.
D. ac P.P. Ad funebrem delationem Viri ... Dn. Joannis Joachimi Stoveri, Senatori
huius Urbis gravissimi, a Vidua Moestissima hodie ... Instituendam Omnes
literariae Reipubl. Cives ... invitat**

Rostochii: Kilius, [1671]

<http://purl.uni-rostock.de/rosdok/ppn774670169>

Druck Freier  Zugang




Bacmeister, J.

in J. J. Stöver.

Rostock 1671.

LB FP Stever, Johann 1671



PROGRAMMA.

^{Quo}
RECTOR

ACADEMIÆ ROSTOCHIENSIS

JOANNES BAC-
MEISTERUS,

Med. D. ac P. P.

Ad funebrem delationem.

VIRI

Amplissimi, Prudentissimi & Literatissimi,

DN. JOANNIS JOA-
CHIMI STOVERI,

Senatoris hujus Urbis gravissimi,

â

Viduâ Mœstissimâ hodiè ad horam
primam Instituendam

Omnes literariæ Reipubl. Cives
officiosè & peramanter invitât.



ROSTOCHII,

Typis JOHANNIS KILII, Universitatis Typogr.



Elebravimus nudis tertius inter jubila
& plausus omnium ipsum Inauguratio-
nis Rectoris Academici actum. Ast
hodiè ut sunt rerum humanarum vi-
ces, uti dolor voluptati fatali & ada-
mantino nexu est colligatus, nœnias
miscemus, lessum facimus, Mortualia nuntiamus. Justa
namq; Viro optimo, Senatori hujus Reipubl. pruden-
tissimo exsolvere jubemur. Terribile certè est, nos
ipsoſ ætate florenti, dum adhuc viget ingenium, inter
complexus nostrorum deficere, & cum præstantium
Medicorum opera præstare nil possit amplius, animam
exhalare, extentos jacere sine motu, malè olere, ef-
ferri, sub terram recondi, in nihilum verti, ut spes su-
peresse videatur nulla, quæ vel ipsis vivis derelictis sola-
tio esse queat, nisi divinitus revelatum dogma nos do-
ceret, superesse aliam vitam, multoq; hâc meliorem,
in quam migremus quot quot hîc piè atq; è præscripto
Salvatoris viximus. Absq; quo unico si effemus, vel pe-
coribus non absimiles projiceremur, vel in summâ per-
euntes desperatione diri Cacodæmonis mancipia æter-
num fieremus. Nunc quomodo vivendum sit scimus,
atq;

atq; eò aspiramus, ubi Creator noster est atq; Salvator,
in domo illustri omnium referta bonorum cœlestium,
& perpetuorum affluentia. Hinc prosequimur vitâ
hâc mortali functos non cùm immodico luctu, sed ut
decer humanarum rerum contemptores, non uti per-
ditos omninò, sed optumâ sui parte viventes, ad quos
ipsi quoq;, ubi visum fuerit omnium Patri, accessuri si-
mus. Ad eum modum hodiè etiam efferemus & no-
biscum Coniunx ac Liberi mæstissimi, Affines item atq;
Propinqui ad sepulchrum deducunt exuvias Viri Am-
plissimi Prudentissimi & Literatissimi DN. JOHANNIS
JOACHIMI STEVERI, Senatoris hujus urbis benè
meriti. Erat is natus hic Rostochii Anno M. DC. XXII,
ipso Matthiæ die, Patre Viro Spectatæ Integritatis JO-
ANNE STOVERO Cive ac Cerevisiario hujus urbis
haud postremo, quique juvenilibus annis exercitiis
equestribus sedulam dederat operam, nec non pugila-
toriam artem tùm apud ERNESTUM Comitem
Naumburgensem, tùm apud CHRISTIANUM Ducem
Brunovicensem, tùm etiam apud Comitis de Lippe fi-
lios exercuerat, Matre vero *Elise Wedigen* / fœmina ca-
stissima & rei familiaris cum primis satagens, quæ sexus
illius Virtutes sunt eximiæ. Avus Paternus ei fuit JO-
ANNES Stöver / Civis ac Cerevisiarius Stathagensis
Vir integerrimus, TILEMANNI Gröbers / Senatoris
Stathagensis & CATHARINE Grothen / Ornatissimæ
fœminæ filius; Maternus vero Vir Prudentissimus DN.
JOACHI-

JOACHIMUS Wedige / Senator olim Rostochiensis
spectatissimus. Aviam Paternam sortitus est ANNAM
Krumwieden / Maternam verò WENDULAM Nettle-
lenblats / DN. HERMANNI Nettlenblats / Senatoris
itidem Rostochiensis & TILSÆ Wittinges / filiam. Ab
hisce Parentibus ut fuerit primis annis educatus, vita
ipsum reliqua testabatur abundè. Cum domi in pieta-
tis studio & litteris moderatore Viro Admodum Re-
verendo, Amplissimo ac Excellentissimo DN. MI-
CHAELE COBABO S. S. Theol. D. & Prof. Publ. ce-
lebratissimo, Collega nostro conjunctissimo, progres-
sus fecisset mediocres, atq; ad majora ipsum ingenii
duceret præstantia, anno ætatis XII. ad Gymnasium
Michaelitanum, quod Lunæburgi est, missus est, ibi-
demque per biennium substitit. Quo tempore præ-
terlapso Academiam Juliam salutavit, atq; in illa tam-
studio Philosophico quàm Theologico gnaviter ope-
ram dedit. Postquam ibi per unum alterumve annum
vixerat, hanc nostram ingressus est Academiam, & hic
egit sedulò, ut sibi constarent ea, quorū causa acces-
serat, suamq; industriam binis Disputationibus Publicis
sub-Præsidio DN. JOANNIS COTHMANNI, S. S.
Theol. D. & Prof. quondam hujus Academiæ famige-
ratissimi, & supra nominati DN. D. MICHAELIS
COBABI habitis, omnibus abundè satis testatam fecit.
Tandem Generosi & maxime Strenui Viri DN. Hans
Lindowen / Danici Regni Consiliarii Liberatorum Epho-
rus

rus constitutus est, cui officio tantâ cum fidelitate præ-
fuit, ut discessurus iterum à Dno. Hospite suo invitus
etiam dimitteretur. Redux in Patriam, dirigente Deo
ter opt. max. Viræ & lecti sociam Anno M. DC LIV.
Februarii Iduum V. interveniente sacerdotali benedi-
ctione suscepit Pudicissimam atque Lectissimam Vir-
ginem ANNAM, DN. JOHANNIS Ntenhagens/
Celsissimi Principis Meclenburgici DN. JOANNIS
ALBERTI gloriosissimæ recordationis Præfectura-
rum Gustroyensis & Svanensis Inspectoris quondam
fidelissimi relictam filiam; Una conjugum mens, unus
animus, idem velle & idem nolle concordiam XVII.
annorum, & fœcunditatem VII. liberorum elicit.
Quinque filii, JOANNES CASPARUS, CHRISTIA-
NUS MICHAEL, JOACHIMUS FRIDERICUS,
THEODORUS MATTHÆUS & JACOBUS ER-
NESTUS adhuc supersunt. Ex biga Sororum alte-
ra ANNA SOPHIA Infans adhuc abiit ad plures, re-
manente ANNA MARGARETHA, quæ cum Fratri-
bus & Matre Patrem atque Maritum ætate maxime flo-
rentem immaturè sublatum hodiè lugent, & cum la-
chrymis frustra reperunt. Cum ingenium hujus nostri
STOVERI & judicium non clam esset Senatam Popu-
lumque Rostochiensem, factum est, ut per omnes
quasi honorum gradus decurrens ab imo ad summum
ferè adscenderet. Postquam enim in Centumvirorum
Collegio aliquot annis ingenium suū exercuisset Æra-
rio

rio publico & Ecclesiæ Cathedralis redditibus præpositus fuisse, tandem Anno M. DC. LXII. die XXIV. Februarii, qui ipsi erat natalis, in Ordinem Senatorum cooptatus est. Quo in officio eum se gessisse in propatulo est, quem Duodecim requirunt, rarerent inveniant. Agnoscite verba ipsa: **IS ORDO VITIO VACATO, CETERIS SPECIMEN ESTO.** Præter hoc munus curam etiam Valli & Orphanorum laudabiliter gessit, ac tandem judicandi provincia ad ipsum devoluta est, quam pro virium portione etiam fideliter administravit. In Curiam vocatus, semper sibi in memoriam revocavit elegantem illam simul & piam Inscriptionem in Curia Ratisbonensi quæ conspicitur in Tabulâ marmoreâ aureis literis, & sic sonat. *Quisquis Senator, Curiam officii causa ingrederis, ante hoc ostium privatos affectus omnes abijcito: Iram, Vim, Odium, Amicitiam, Adulationem, Reipubl. Personam & Curam subijcito; Nam ut aliis equus aut iniquus fueris: Ita quoque DEI judicium expectabis, & sustinebis.* Notat quippe optumè, in Consultationibus publicis esse utilitatem ipsam per se inspiciendam, nec aliis respectibus vel odii vel amoris pessundandam. Quod Aristides apud Herodotum non minùs scitè quam verè ad Themistoclem sibi antea inimicum accedens sequentibus verbis exprimere voluit. *Nos certare oportet omni tempore, non privatis similitudinibus & odiis sed uter nostrum melius de patria mereri, & plura in*
eant


eam beneficia conferre possit. Multa hic præter-
mitto, quæ in laudem Defuncti scribi poterant, pro-
pterea, quod in vulgus pleraque nota sunt. Ad Mor-
tem itaque venio, & qui eam antecessit morbum, de
quo, cum nullus mortalium rectius quam is ipse, qui
curæ præfuit, nos omnes informare possit, placet ipfis-
sima verba Amplissimi & Excellentissimi Medici
DN. D. JOHANNIS JACOBI DOBELII, Med. P. P. &
Physici Reipubl. Rostochiensis celeberrimi, Collegæ
nostri honoratissimi, uti nobis communicata sunt
inserere. Sensit beatus DN. STOVERUS, Compater
& Amicus noster integerrimus, postquam Corpus per
tempus insolitum sumpsisset, jam ante annum, tensionem,
Hypochondrii dextri, appetitum prostratum, asthma,
tussim, totius corporis languorem, alia scorbuti signa. Et
discussa ea quidem sunt, methodo haud infelici: sed antè
viginti circiter septimanas alibi locorum me distracto,
Ictero pravo correptus, immò penè corruptus fuit. Qua-
tum comitantia habuerit symptomata, longum foret recen-
sere. Verum & his tandem DEI Gratia, utut molimi-
ne multo, propulsis, totus sibi jam redditus videbatur: do-
nec accidentibus externis, hinc inde sabortis, nimisque
fortè ad animum revocatis, in Recidivam planè periculo/am
præcipitaretur. Quæ, utut binis quoque dissipata vici-
bus, tantum post se malorum traxit, uti speret à omni medi-
cina resistentis efficaciam, Virum, longiori ceteroquin, Deo
si fuisset visum, vitæ dignum, die XXV. Aprilis interne-
cioni

cioni daret, nobisque invitissimis hac in præsens scribendi
materiam suppeditaret. Ad ejus igitur defuncti exu-
vias hodiè circa horam primam in ædem sacram de-
ducendas ut conveniatis qui nostram agnoscitis juris-
dictionem, valdè rogamus: gratum facietis Viduæ
mœstissimæ, cum in tanto luctu frequentia vestra
aliquod etiam solatium afferet. Ipsi mortalis vestræ
conditionis memores hoc agite, ut præ cœlesti-
bus hæc terrestria contemnatis, & semper
ad æviterna gaudia suspiretis.

P. P. Rostochii die IV. Maij ANNO
M. DC, LXXI. sub sigillo Re-
ctoratus.

Conventus fiet ad Horam I. in Æde B. Jacobo sacra.





rus constitutus est, cui officio tantâ cum
fuit, ut discessurus iterum à Dno. Hosp
etiam dimitteretur. Redux in Patriam,
ter opt. max. Vitæ & lecti lociam Anno
Februarii Iduum V. interveniente sacer
ctione suscepit Pudicissimam atque Le
ginem ANNAM, DN. JOHANNI
Celsissimi Principis Meclenburgici DN.
ALBERTI gloriosissimæ recordation
rum Gustroviensis & Svanensis Inspe
fidelissimi relictam filiam; Una conjug
animus, idem velle & idem nolle conc
annorum, & fœcunditatem VII. lib
Quinque filii, JOANNES CASPARUS
NUS MICHAEL, JOACHIMUS
THEODORUS MATTHÆUS &
NESTUS adhuc supersunt. Ex biga
ra ANNA SOPHIA Infans adhuc abi
manente ANNA MARGARETHA, c
bus & Matre Patrem atque Maritum at
rentem immaturè sublatum hodiè lug
chrymis frustra reperunt. Cum ingeni
STOVERI & judicium non clam esset
lumque Rostochiensem, factum est
quasi honorum gradus decurrens abi
ferè adscenderet. Postquam enim in
Collegio aliquot annis ingenium suū e

